

REGIONAL NEWS BULLETIN

HEADLINES (EVENING)

Date – 14/11/2024

Time - 18:30 -18:40Hrs

- DoNER Minister Pu Jyotiraditya M Scindia chuan Pu Narendra Modi-a kaihruai sorkar hnuiah hmarchhak state ten nasa takin hma an sawn a ti.
- Mizoram District zawng zawngah chhiatna hrang hrang – leimin, tulian leh kangmei thlen thulha chet laki dan tur leh hmachhawn dan tur enchhin na, Mock Drill buatsaih a ni.
- Jharkhand Assembly inthlan thawh hnihna leh Maharashtra Assembly inthlan atana campaign chuan a vanglai a thleng chho mek
- Prime Minister Narendra Modia chu Dominica ram chawimawina sang ber hlan a ni dawn.

<><><>

DONER MINISTER PRESS CONFERENCE

DoNER Minister Pu Jyotiraditya M Scindia chuan Pu Narendra Modi-a kaihruai sorkar hnuiah hmarchhak state ten nasa takin hma an sawn a ti.

Vawiin khan Ministry of Development of North Eastern Region (DoNER) in Mizoram hna a thawh hrang hrang Chief Minister Pu Lalduhoma nen sawi dun turin DoNER Minister hi a lo kal a. Chief Minister nena hun an hman zawa chanchinbumite a kawmnaah he thu hi sawiin Minister chuan Mizoram thanna tur leh Mizoramin hma a sawnna tura hmathlir hrang hrang leh hna thawh mek te ngun taka Chief Minister nena sawi dun a nih thu a sawi a. DoNER Ministry in nasa Mizoram hmasawn nana hna a thawh thu sawiin vawiinah pawh an department atangin darkar 2 chuang Mizoram hmasawnna tura pawimawh te thutkhawmah an rawn sawi thu a sawi a ni.

DoNER Minister chuan Hmarchhak state te tan a hmaa annual capital expenditure-a cheng vbc 27000 dawn thin kha tunah chuan cheng vbc nuai 1 leh sang 5 an dawng tawh a ti a. Hetah hian inkalpawhnalamah pawh nasa takin hmasawnna a thleng a ni a ti a. Mizoramin kum 2004 atanga kum 2014 inkarak sorkar laipui atangin cheng vbc 4734 a dawn laiin Pu Narendra Modia hnuiah chuan kum 10 kalta chhungin cheng vbc 33178 dawn a dawng tih sawiin Financial Year 2024-25, kum khat chhung chauh pawhin cheng vbc 6236 lai Mizoramin a dawng a ti a. Telecom lamah pawh hmasawnna nasa tak a awm atih sawiin Minister chuan Mizoram, Meghalaya leh Tripura tan cheng vbc 430 dah a nih thu leh he sum hi state pathuma 4G network tihmasawnnan tangkai taka hman a nih dawn thu a sawi a ni.

Mizoram chuan khualzin hip kawngah te, ram ngaw leh nungcha lama hausaknaah te, infiamna te, huan thlai neih thuah te theihna nasa tak a nei a ni a ti a. Mizoram lo kal leh thuai a duh thu leh, chumi hunah chuan Mizoram lamin an hmasawnna leh hmalakna hrang hrangte, hma lak an tum zel dan te Mizoram lama atanga ngaihthlak theih a beisei thu a sawi a ni.

Chief Minister Pu Lalduhoma chuan DoNER Minister chu a sorkar ang chiaha kalphung thar duh a nih thu a sawi a. Minister of DoNER a kaihruai hnuah thil thar tha tak tak a tihchhuah hnem tawh thu a sawi a ni.

<><><>

REVIEW MEETING WITH DONER MINISTER

Vawiin khan Chief Minister Pu Lalduhoma leh DoNER Minister Pu Jyotiraditya M Scindia te kaihruaiin Planning & Programme Implementation Conference Hall-ah Ministry of Development of North Eastern Region (DoNER) kaltlanga Mizoram hnathawh hrang hrangte thlirho a ni.

Chief Minister chuan DoNER kaltlanga project kalpui meka harsatna awm leh rawtna a neih te, Mizoramin project thar a mamawhna lai te a tarlang a ni.

DoNER Minister chuan Chief Minister Pu Lalduhoma leh a pa te lo inthian thatna avangin Mizoram a ngainat thu sawiin an inlaichinna thinlung chu thawhhona tha zawk awmtirtuah hman a duh thu a sawi a. Project endik ringawt turin a lo kal lo tih sawiin DoNER Minister chuan Mizoram an zirchianna leh hmasawn zel tura Mizoramin a mamawh rawtna tha tak tak rawn keng a nih thu a sawi a. Mizoram chu khawchhak lama India chhuahka, hmun pawimawh taka awm a ni tih sawiin ti hmasawn zel turin an inpeih tih a sawi a. An thutkhawm zarah hmasawnna nghet leh khuarei daih Mizoramin a hmuh a, hmalam a pan zel theihna tur sawihona leh ruahmanna te neih an duh tih a sawi a. Project kal meka harsatna awm te chu a theih ang anga a lo bawhzui zel tur thu a sawi a ni.

DoNER Sr. Economic Adviser Dr. Md Nazmuddin chuan DoNER Ministry in hmasawnna huang thenkhata Mizoram dinhmun tlangpui leh hmalak zelna tur rawtna a neihte a tarlang a. Chung an rawtna te behchhan chuan sawihona hun an hmang bawk a ni.

<><><>

COOPERATIVE WEEK

Cooperation Minister Pu PC Vanlalruata chuan Mizoramin India rama Cooperative Society nei tha ber nei turin theihna a nei a ni a ti.

Vawiina All India Cooperative Week Vawi 71-na puala I&PR Conference Hall, Aizawla hun a hmanpuinaah Minister chuan he thu hi a sawi a. Minister chuan tunah hian thlai thar an hrall theih nan society din kawnga hma la ngai lo te pawhin loh theih lohin pawl an indin tih a sawi a. Heng pawl te hi an thawhho theih nan sorkarin ruahmanna a siam tih sawiin Minister chuan heng pawl te hi Cooperative Society a hnuhluh an ngai a. Chutianga Mizoram khaw eng emaw zata Cooperative Society a awm chhoh chuan network lian tak, India ram puma a tha ber Mizoramin a nei thei a ni a ti.

Minister chuan loneitu mahnia inhaichhuak tura harsatna nei te hi Cooperative Society hmanga inhaichhuah dan leh thawhho dan zirtir an nih chuan retheihna a umbo theih a ni a ti a. Ram ei leh bara intodelhna siamtur tha tak chu Cooperative Society a lo ni dawn a ni a ti a. Mizorama Cooperative movement tha zawk a lo thlen zel theih nan inpekna leh thawhrimna a pawimawh tih sawiin vawiina kalkhawm te chu thawhrimna nena hmalam pan turin a sawm tih a sawi a ni.

Minister hian Cooperative Tlangau Special Issue a tlangzarh nghal a. Kumina All India Cooperative Week Vawi 71-naah hian thupui atan ram intodelh 'Viksit Bharat' a India ram a awm theihna tura Cooperative pawimawhna tih hman a ni.

Lunglei District Cooperative Union Ltd (LDCU) buatsaihin All India Cooperative Week vawi 71-na pualin YMA Sub-Headquarters Conference Hall Lungleiah hun hman a ni a, Lunglei High Powered Committee (HPC) Vice Chairman Pu V. Malsawmthuanga MLA chuan he hun hi a hmanpui a,

<><><>

MOCK EXERCISE

National Disaster Management Authority leh State Disaster Management Authority, Disaster Management & Rehabilitation Department-te leh Mizoram chhung District tina Bawrhsap te hmalakna in vawiin khan Mizoram chhung District zawng zawngah chhiatna hrang hrang – leimin, tulian leh kangmei thlen thulha chet lak dan tur leh hmachhawn dan tur enchhin na, Mock Drill buatsaih a ni.

Mizoram hmun tam zawk hi lirnghing nat zawng Seismic Zone - V hnuiai awm niin Mizoram hmar lam hi a hlauhawm zual a, hei vang hian inralrin dan zirna neih a ni thin a ni a. District tinah Bawrhsap te'n District Emergency Operation Centre theuh atangin an vil nileng a. DDMA te chetlak dan hi State Emergency Operation Centre (SEC), DM&R Office, Chawnpui atangin Coordinator Brig. (Retd.) Ravinder Gurung , Sr. Consultant, (ME&IRS), NDMA leh Incident Response Sytem (IRS) – rikrum thila Department pawimawh zuala Officer senior te chuan an lo vil thung a ni.

District Emergency Operation Centre-ah hian Bawrhsap te hi District Disaster Management Authority (DDMA) an nih angin Incident Response System (IRS) – DC Office hotute, Police, I&PR, Medical, Fire, PHE, PWD, PE&E leh Department dang te atanga official te nen an thu a. Chhiatrupna thlenna hmunah hian Incident Commander (IC) hona hnuiah State Disaster Response (SDRF) Team, NGO te leh rescue worker ten zawnchhuah leh chhanchhuah hna uluk tak leh a tak ang thei ang berin an kalpui a. Tun tum Mock Exercise-ah hian DDMA leh district IRS zawng zawng te hi Coordinator leh State IRS te nen tha takin an inbe pawp thei a. Live Streaming a nih angin inbiak laia signal tha lo vanga chatlak erawh a awm zeuh zeuh thung.

State Level Mock Exercise atan hian hmun 47 thlan chhuah a ni a. Heng hmunah te hian Tuilian, Kang mei chhuak leh Leimin avangin kawngpui tea a chhia, hospitalah kangmei a chhuak a. Lei dawh chim, ram kang leh chenna in chim a, mi tam tak nunna chan, hliam tuar awm bawk bakah harsatna thleng thei dang te pawh en tir niin zawnchhuah, chhanchhuah leh siamthat hna kalpui dan tur te entir a ni.

State Emergency Operation Centre hi Pu PC Lallawmsanga, Tamil Nadu DGP (retd), Principal Secretary, DM&R leh Pu Dominic Lalhmangaiha DM&R Director hlui, Consultant, UNDP te chuan Orserver atan a ruat an nih angin an thutchilh bawk a ni.

<><><>

LEITLANGUI MUSIC FEST

Ni thum awh tur Leitlangpui Music Festival chu vawiin khan Kawmzawl, Pukpui, Lungleiah ṭan niin, Mizoram Sawrkara Tourism Minister Pi Lalrinpuii'n a hawng.

Leitlangpui Music Festival hawnna inkhawmah hian Tourism Minister Pi Lalrinpuii chuan tun hma lama Mizorama Tourism Department bul tuma kut hrang hrang huaihawt thinah mipuite'n ta neihna rilru an pu pha lo ṭhin nia a hriat thu sawiin, hemi hi tidanglam turin Tourism Department-in festival a huaihawt thin chu ennawn a nih thu a sawi a. Mipuite'n an ta neih theih tur festival nei thei tur leh a huaihawt vel pawh sawrkar department-in buaipui tawh lo va, tender hmanga outsource thin turin ruahmanna thar siam a nih thu a sawi, mipuite ta neih theih ngei tur festival dap a ni ta a ni a ti.

UNION MOS

Union Minister of State for Housing and Urban Affairs Pu Tokhan Sahu chuan vawiin khan AM

RUT leh PMAY-U hnuiaia hmalakna hmun hrang hrang a tlawh.

Minister hian Atal Mission for Rejuvenation and Urban Transformation (AMRUT) Scheme hnuiaia Tennis junction leh Raj Bhavan hungna thar chu a enfiah a, hei bakah hian Aizawl Lungdawh 'smart street' a enfiah bawk a. A haw pahin Lengpui airport kawng, Rangvamual leh Phunchawnga Pradhan Mantri Awas Yojana- Urban (PMAY-U) hnuiaia insak luhhtute a tlawh nghal bawk a ni.

Minister hi Aizawl Smart City Limited CEO Pu CC Lalchhuangkima leh a thawhpuiten an tawiawm a ni.

<><><>

LADC SESSION

Ni thum awh Lai Autonomous District Council Thlasik thutkhawm chu vawiin khan Lawngtlai LADC Session Hall ah Chairman Pu V.L Hmuaka kaihruaiin zawhfel a ni.

Session tanni, tunkar Thawhlehni khan MDC hlui Pu Thanglawma sunna hun hman niin, hemi hnu hian Chief Executive Member Pu C.Lalmuanthanga chuan House ah The Lai Autonomous District Council (Salaries, Allowances & Pension of Member) (Fourth Amendment) Bill,2024 leh CAG Report for the year, 2016-2017, 2017-2018, 2018-2019te a pharh a, Bill pahnih hi vawiin khan pass a ni.

LADC Thlasik thutkhawm ah hian House a chhantur zaghna 31 lutin Ziaka chhantur zaghna 10 a luta, Sorkar bill pahnih putluh a ni a, Private Member Resolution pakhat a lut bawk.

<><><>

AIR NEWS ON SOCIAL MEDIA

Chanchinhar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinhar hi ngaihthlak leh chhiar theih a dah a ni.

<><><>

JHARKHAND

Jharkhand Assembly intlan thawh hnighna leh Maharastra Assembly intlan atana campaign chuan a vanglai a thleng chho mek a. Vawiin khan NDA leh INDIA bloc hruaituten voter te hui tumin tan an la a. Uttar Pradesh Chief Minister leh BJP hruaitu senior Yogi Adityanath chuan Dhanbad-ah thu a sawi a.

JMM sawrkar hnuiaih dan kalhin mi tam tak an state ah an lut a ti a. Hetihlai hian JM hruai leh CM Hemant Soren chuan BJP chu Jharkhand hnufual chhanah a puh. Maharastra ah pawh campaign boruak a lian chho zel a. Prime Minister leh BJP hruaitu Narendra Modi leh Congress hruaitu Rahul Gandhi te pawh campaign in hun an hmang mek a ni.

Kan corr report i lo ngaihthlak chhunzawm ang u.

<><><>

DOMINICA HONOUR PM

Prime Minister Narendra Modia chu Dominica ram chawimawina sang ber hlan a ni dawn. Covid-19 hri len laia Dominica ram chhawmdawl nana a hnathawh avang leh India leh Dominica inkara thawhdunna tha a awm theih nana a hnathawh avangin Prime Minister Modi-a hi Dominica Award of Honour hlan a ni dawn a. Dominica President Sylvanie Burton chuan tun thla ni 21-a India-CARICOM Summit, Guyana-a Goergetown khawpuia neih hunah ah chawimawina hi a hlan dawn a ni.

Dominica Prime Minister thuchhuah danin India hian COVID-19 hrilen lai kum 2021 February thla khan Dominica hnenah AstraZeneca vaccine dose sing 7 a thlawnin a pe a. Hei bakah hian Prime Minister Modia kaihhruaina hnuiah hriselna, zirna leh information technology lamah India chuan Dominica a pui nasa a, khawvel huapa sik leh sa chhe zel siamthat leh hmasawnna tluan tling neih kawnga a thawhhlawk zia hriat reng nan he award hi dawng tura thlan a ni.

<><><>